



Ayuntamiento de A Coruña
Concello da Coruña

Anotada en el Libro de Resoluciones de la Junta de Gobierno Local, con el núm: RES/AYT/2348/2023 07/02/2023

Area / Unidade RR.HH PE0000 CLR	Documento 10817I01OK	
Código de verificación  6C36 1T47 3X6K 0C3Z 0FAH	Expediente 108/2022/2268	
	Data 02-02-2023	

Asunto: Cobertura en comisión de servizos do posto de Xefatura de unidade de Atención Cidadá (ref. posto 1951).

RESOLUCIÓN

ANTECEDENTES DE FEITO

Primeiro.- O Xefe de Servizo de Atención Cidadá e Interior, co conforme do Director da Área de Economía, Facenda e Réxime Interior, con data 10/12/2022 e código de verificación 6H0P5J0T2736432S079K, remite ao servizo de RR.HH. unha solicitude de convocatoria pública para a cobertura, mediante comisión de servizos, do posto de Xefatura de unidade de Atención Cidadá (Servizo de Atención Cidadá e Interior), nº referencia 1951 da RPT.

Dita cobertura temporal do posto de traballo solicítase pola necesidade de realizar a coordinación funcional e establecer directrices para todos os rexistros municipais, de contar cun posto que se responsabilice de todas as funcións que lle competen á unidade, e de xestionar e tramitar os procesos administrativos relativos ao Rexistro.

Segundo.- Con data 13 de decembro de 2022 o Servizo de RR.HH. publica un anuncio de convocatoria para a cobertura temporal, entre outros, do seguinte posto de traballo, en base a petición efectuada polo Xefe do Servizo de Atención Cidadá e Interior:

- Xefatura de unidade de Atención Cidadá (Servizo de At. Cidadá e Interior), referencia 1951.

No citado anuncio, indicase que o persoal funcionario de carreira, que conforme a RPT vixente e as normas de xestión, reúna os requisitos necesarios para a ocupación de este posto de traballo e que quixera participar nesta convocatoria, deberá presentar a correspondente solicitude nun rexistro municipal, acompañada dun currículo, no prazo de 5 días hábiles, a contar dende o día seguinte á publicación deste anuncio.

Terceiro. As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Cod.	Unidade Org.	Ref.	Posto de traballo	Gr.	N	Escala	E. Espec.	FP	Adm
Atención Cidadá e Interior	IT2210	Atención Cidadá	1951	Xefe/a de Unidade	A2/C1	22	AX	FR09 AP1	C	AY

CONSIDERACIÓNS LEGAIS E TÉCNICAS

Primeira.- O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reserváraselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 1951, de Xefatura de unidade de Atención Cidadá, actualmente atópase vacante.

Segunda.- O Xefe de Servizo de Recursos Humanos, co conforme do Director da Área de Economía, Facenda e Réxime Interior, con data 02/02/2023 e código de verificación 01176F5Z3Q691P5B0MWM, unha vez examinadas as solicitudes recibidas e os CV dos candidatos presentados, así como o informe de data 18/01/2023 e código de verificación 5L4X4S4Z4K5P2O5J0YTU, do Xefe do Servizo de Atención Cidadá e Interior, emite unha proposta de nomeamento de Dona Beatriz Sante Pose, en comisión de servizos, no posto de Xefa de unidade de Atención Cidadá (ref. posto 1951).

Terceira.- Cabe indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galiza, a cal establece que ao tratarse dun sistema excepcional e temporal non require un proceso de selección ordinario no que exista unha publicidade dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle un plus de discrecionalidade á Administración convocante, respectando sempre os principios de igualdade, mérito e capacidade.

Por tanto, considerando a urxente necesidade de cobertura do posto de Xefatura de unidade de Atención Cidadá (ref. posto 1951) e co fin de que non se produza discontinuidade no funcionamento do Servizo de Atención Cidadá e Interior, e tendo en conta o disposto nos arts. 81 e 84 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 96 e ss da Lei 2/2015, de 29 de abril, do emprego público de Galicia, e o art. 30 do Decreto da Xunta de Galicia 151/2022, do 4 de agosto e demais normas concordantes, así como que a



funcionaria proposta reúne os requisitos establecidos na RPT en vigor, procede destinar a Dona Beatriz Sante Pose, en comisión de servizos, ao posto de traballo de Xefatura de unidade de Atención Cidadá, referenciado co número 1951 na RPT.

Cuarta.- Esta comisión de servizos ten carácter temporal e a súa duración será de seis meses. Dita comisión de servizos pode prorrogarse, respetando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Cod.	Unidade Org.	Ref.	Posto de traballo	Gr.	N	Escala	E. Espec.	FP	Adm
Atención Cidadá e Interior	IT2210	Atención Cidadá	1951	Xefe/a de Unidade	A2/C1	22	AX	FR09 AP1	C	AY

Quinta. O posto de orixe de Dona Beatriz Sante Pose, segundo os datos que constan na Relación de Postos de Traballo, descríbese na seguinte táboa:

Servizo	Cod.	Unidade Org.	Ref.	Posto de traballo	Gr.	N	Escala	E. Espec.
Atención Cidadá e Interior	IT2210	Atención Cidadá	1961	Auxiliar de Atención Cidadá	C1/C2	18	AX	FR05 AP2

Sexta.- Os custos que xenere esta comisión de servizos atópanse orzados no grupo de programa 920 do orzamento prorrogado ao ano 2023, existindo crédito adecuado e suficiente para iso.

Sétima.- O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 28/06/2019 (BOP nº 124 de 03/07/2019), atribúese delegación xenérica en materia de xestión de persoal ao Concelleiro delegado de Economía, Facenda e Réxime Interior.

Á vista do informe emitido polo servizo de Recursos Humanos, o Concelleiro de Economía, Facenda e Réxime Interior por delegación da Xunta de Goberno Local do 28/06/2019 (BOP núm. 124 do 03/07/2019), en uso das facultades que ten conferidas,

RESOLVE:

1.- Destinar a Dona Beatriz Sante Pose (NIF ***1093**), en comisión de servizos, ao posto de Xefatura de unidade de Atención Cidadá, número 1951 da RPT As características do posto a ocupar son as descritas na seguinte táboa:

Servizo	Cod.	Unidade Org.	Ref.	Posto de traballo	Gr.	N	Escala	E. Espec.	FP	Adm
Atención Cidadá e Interior	IT2210	Atención Cidadá	1951	Xefe/a de Unidade	A2/C1	22	AX	FR09 AP1	C	AY

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será de seis meses. Dita comisión de servizos pode prorrogarse, respetando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución á interesada, e ao Xefe do Servizo de Atención Cidadá e Interior.

A Coruña, na data da sinatura electrónica deste documento

A XUNTA DE GOBERNO LOCAL, P.D.
Concelleiro Delegado de Economía, Facenda e Réxime Interior
José Manuel Lage Tuñas